

Script of Morning Gojri News Bulletin 07 November 2024 at 1015Hrs

ما رنینگ گو جری نیوز بلیٹن مو رخہ 07 نومبر 2024

یوہ آکاشوانی جموں ہے محمد آصف لو دھی تیں خبر سُنو۔

JK Resoultion

قانون سا زاسمبلی نے جا تے روز جموں کشمیر غا خصوصی درجہ نانہ بحال کرن غی خاطر اک قرار داد پاس کی ہے۔ واضع رہ جے خصوصی درجہ غی بحالی بارے یاه قرارداد نا ئب وزیر اعلیٰ سُریندر کمار چودھری غی طرفوں ایوان مانہ پیش کی گئی۔ جس تیں بعد اسمبلی غا سپیکر عبدالرحیم راتھر نے زبانی ووٹ غے ذریعے اس قرار داد نانہ پاس کیو۔ قرار داد مانہ واضع کیو گیو ہے جے جموں کشمیر غو خصوصی درجو مہاری شناخت، مہارو رواج، تے مہارا حقوق غی راکھی کرے۔ واضع رہ جے جموں کشمیر اسمبلی نے مرکزی حکومت ور زور دتو ہے جے بَن اِت چُنیا گیا عوامی نمائنداں نال گل بات شروع کر غے خصوصی درجہ نانہ بحال کیو جا ئے۔ بعد مانہ ایوان مانہ حزب اختلاف غی جماعت غا لیڈر سنیل شرما نے دوجا اسمبلی ممبراں سمیت ایوان مانہ خصوصی درجہ غی بحالی واسطے قرار دادپیش کرن غی سخت مخالفت کرتاں واں نعرے با زی شروع کی جس تیں بعد سپیکر نے ایوان غی کا روائی نانہ ملتوی کر دتو۔

Trump

ڈونالڈ ٹرمپ نے امریکہ غا صدارتی انتخابات مانہ فیصلہ کُن جت حاصل کی ہے۔ ریپبلکن اُمید وار ڈونالڈ ٹرمپ نے 277 ووٹاں ور جیت درج کر غے ڈیموکریٹک اُمید کُملا بیرس نانہ شکست دے دتی ہے۔ واضع رہ جے صدارتی انتخابات مانہ کامیاب ہون واسطے ایکن اُمید وار 270 ووٹاں غی لوڑ وے جد کہ ڈونالڈ ٹرمپ نے 277 ور اپنی جت درج کرائی ہے۔ دسیو گیو ہے کہ انتخاب غا نتائج تیں فوراً بعد ریپبلکن پارٹی غا حمایتیاں نے جشن منانو شروع کر دتو ہے۔ تے ڈونالڈ ٹرمپ مُلک غا 47 واں صدر منتخب ہو گیا ہیں۔ یا درہ جے جناب ٹرمپ نے پنسلوینی، جا رچیہ تے نارٹھ کیرولینا مانہ وی جیت حاصل کی ہے۔ ایان بھارتی وزیر اعظم نریندرمودی نے ڈونالڈ ٹرمپ نانہ صدارتی انتخاب مانہ کامیابی حاصل کرن ور دلی مبارکباد دتی ہے۔ اس سلسلہ مانہ جناب مودی نے سماجی میڈیا غے ذریعے اک پوسٹ سانجی کرتاں واں کہیو ہے جے بھارت امریکہ نال رَل غے ٹیکنالوجی، دفاعی تے دوجا معاملان مانہ اکھٹا ہو غے کم کرن غو خواہش مند ہے۔ اواں ڈونالڈ ٹرمپ نے بھارتی وزیر اعظم نال گل بات غے دوران کہیو جے پوری دُنیا جناب مودی نال محبت کرے۔ اُن نے بھارت نانہ شاندار مُلک قرار دیتاں واں وزیر اعظم نریندرمودی غی تعریف کی ہے۔ ڈونالڈ ٹرمپ نے کہیو جے بھارتی وزیر اعظم دُنیا گا پہلا ایسا لیڈر ہیں جن نے میری جت ور ساراں توں پہلاں مبارکباد کہی ہے۔

Amit Shah Conference

مرکزی وزیر داخلہ امت شاہ غو کہنو ہے جے وزیر اعظم نریندرمودی غی سربراہی آلی حکومت دبشت گردی غے خلاف صفر برداشت غی پالیسی غے تحت بھارت نانہ دبشت گردی تیں پاک مُلک بنان غی وعدہ بند ہے۔ اس سلسلہ مانہ سماجی میڈیا پوسٹ مانہ

سانجا کرتاں واں اُنہاں نے کہیو جے دہشت گردی غے خلاف 2 روزہ کا نفرنس اج تیں نوی دہلی مانہ شروع ہو رہی ہے۔ جس مانہ حفاظتی ایجنسیاں غی آپسی تال میل نال ملک غی حفاظت نانہ تگڑو بنان ور غور کیو جائے گو۔ واضع رہ جے دہشت گردی غے خلاف 2 روزہ کا نفرنس قومی تحقیقاتی ایجنسی این آئی اے غی طرفوں منعقد کی جا رہی ہے۔ دسیو گیو ہے جے وزیر داخلہ اس دو روزہ کا نفرنس نال خطاب کریں گا۔ اس سلسلہ مانہ ذریعے غو کہنو ہے جے کا نفرنس غے دوران حکومت تے دوجی حفاظتی ایجنسیاں سمیت تمام شراکت داراں بشکا ر تال میل نانہ باندو دے غے دہشت گردای نانہ جڑ تیں پٹ غے باہر سٹن ور خصوصی تبادلہ خیال کیو جائے گو۔ واضع رہ جے کا نفرنس مانہ پولیس غا اعلیٰ عہدیداراں، مرکزی حفاظتی ایجنسیاں غے نال نال اعلیٰ قانون دان وی حصولے غے نوی ٹیکنالوجی غے ذریعے دہشت گردی غا خاتمہ غی خاطر گل بات کریں گا۔ سرکاری ذریعے نے مزید جانکاری دیتاں واں دسیو ہے جے کا نفرنس مانہ بین القوامی سطح ور دہشت گردی غے خلاف نمژن واسطے آپسی تعاون تے نوی حکمت عملی اپنان ور وی تبادلہ خیال کیا جانے غے نال نال مستقبل مانہ مضبوط پالیسی بنان ور خصوصی دھیان دتو جائے گو۔

Jatinder DLC

عوامی شکایات تے پنشن با رے محکمہ غا وزیر مملکت ڈاکٹر جتندر سنگھ نے جا تے روز نوی دہلی مانہ قومی سطح غا ڈیجیٹل لائف سرتیفکیٹ با رے مہم غو افتتاح کیو۔ اس موقع ور بولتانواں ڈاکٹر سنگھ نے کہیو جے ڈیجیٹل لائف سرتیفکیٹ تمام پنشن حاصل کرن آلاں نانہ ڈیجیٹل طریقہ کار غے ذریعے با اختیار بنانو وزیر اعظم نریندر مودی غو نظریو ہے۔

Tribal

جل شکتی، جنگلات و ماحولیات تے قبائلی بھلائی بہتری با رے محکمہ غا وزیر جا وید احمد رانا نے جا تے روز کھیمبر ہارون سرینگر مانہ قائم قبائلی تحقیقی ادارہ غو دورور لا غے ات جا ری ترقیاتی کماں غو جائزو لیو ہے۔ اس موقع ور متعلقین نے وزیر موصوف نانہ جانکاری دتی ہے جے قبائلی تحقیق با رے ادارہ غی تعمیر غی خاطر 25 کنال عراضی مختص رکھی گئی ہے۔ جس مانہ 9 کلاس روم سمیت کمپیوٹر لیب شامل ہیں۔ اس موقع ور جناب رانا نے متعلقہ تعمیراتی ایجنسیاں نانہ ہدایت کی ہیں جے جا ری پروجیکٹ نانہ مٹھی گئی مدت غے اندر مکمل کیو جائے۔ اس موقع ور وزیر موصوف نے متعلقہ افسران نانہ ہدایت کیں جے قبائلی لوکاں نانہ محکمہ غی بکھ بکھ سکیمان با رے جانکاری فراہم کی جا نے تاجے یہ لوک ان سکیمان تیں متاتوں متوفاندو چاہ سکیں۔

اس غے نال ہی خبراں غو یوہ بلیٹن ختم ہوو۔